

Uunga siunnersuut: Angallatit akileraarummik akiliisussaatitaanngitsut ikinnerulersinniarlugit Umiarsualivimmiennermut aamma umiarsuit takornarianik angallassissut ilasunik angallassinerannut akileraarutit pillugit Inatsisartut inatsisaanni nr. 20, 30. oktober 1992-imeersumi § 2-p allannguutissaatut siunnersummi Naalakkersuisut saqqummiusseqqullugit, tassungalu atatillugu pineqartunut akileraarutigineqartussat amerlassusissaannik nalileeeqqeqlullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Naaja Nathanielsen, Inuit Ataqatigiit)

Akissuteqaat

(Aningaasaqarnermut Naalakkersuisoq)

Aappassaaneerneqarnera

Naalakkersuisut siunnersuut tunngaviisigut tapersorsorpaat, aammalum Umiarsualivimmiennermut aamma umiarsuit takornarianik angallassissut ilasunik angallassinerannut akileraarutit pillugit inatsimmi atuuttumi naleqqussorinangitsoqarpat tamakku eqqumaffigineqarnissaat pingaartillugu.

Umiarsualivimmiennermut aamma umiarsuit takornarianik angallassissut ilasunik angallassinerannut akileraarutit pillugit inatsit nunatsinni umiarsualivinnut nunalinnermi atuisut akiliutaattut taasariaqarpoq. Assigiinngitsulli pissutigalugit angallatit ilaasa umiarsualivimmiennermut akileraannginnissaat qangaaniilli aalajangerneqartarsimavoq. Tassa imaaappoq akileraarut maanna atuttoq atuisunit tamanit akilerneqartanngilaq.

Umiarsuit akileraarummik akiliisussaatinneqanngitsut umiarsualiveqarfinnik aserfallatsitseqataasuupput. Illoqarfinni arlaqartuni umiarsualiveqarfinnik nutaanik pitsaane-rusunillu sanaartornissamut aningaasalersuinissamik pisariaqartitsilernissaq ilaatigut eqqarsaatigalugu, umiarsualiveqarfinnik atuisut amerlanerusut aningaasartuutinik akileeqataa-sariaqarnerat Naalakkersuisut isumaqataaffigaat.

Umiarsualivimmiennermut aamma umiarsuit takornarianik angallassissut ilasunik angallassinerannut akileraarutinik allannguinissaq siunissami aningaasaliisoqarumaarnissaanut atasumik pisariaqarpoq. Taamaammat Naalakkersuisut naliliippu akileraarutit aaqqisuussaanerat siunnersuusiortoqannginnerani misissorluarneqartariaqartoq.

Tassunga ilutigitillugu akileraarutinik akitsuutinillu qaffaannginnissaq Naalakkersuisut anguniagaannut ilaavoq.

Taamaammat Umiarsualivimmiennermut aamma umiarsuit takornarianik angallassissut ilasunik angallassinerannut akileraarutit pillugit Inatsisartut inatsisaata allanngortinnejarnissaanik siunnersuuteqarnissaq ineqarneq, isumaginninnej akileraartarnerlu pillugit inatsisinik ataatsimoortillugit nutarterinissamut ilanngullugu saqqummiunnejarnumaarpoq.

Naalakkersuisut taama oqaaseqarlutik siunnersuutip akuersissutigineqarnissaa inassutigaat.